

**Kugbɔnkpiεku kua
Pier
kεle' kù nnɔ
Nà wɔngh kugbɔnku kuu te
ma bo**

Pier yé Yesu Kristo ya tond nε. U kεle' kugbɔnku kuu ki de' Kristo yaab bà te Asi ya tinfenm ni nnɔ. Bi jènde' bε ki gbien' kimε bi teke' Kristo ki jin' (1:1; 2:11). Nεn bo nε Pier kεle' kugbɔnku kuu wɔ́ n saake bi'gbenent kí tore bε bi'tekjim nin bi'dendɛnl ni.

U ye Yesu Kristo ya mεkrm bitenkpiib ni nnɔ nε yé lidɛndɛnl nnɔ. Lεn nε cεreh binib tuonh isuk nin bi teh bε fenfenm wà nnɔ ten Yesu. U tɔke' bε ki ye bε n̄ tekn Yesu Kristo ya taal ni.

Iyonbe yà ya cεnbaambe n̄a yé Kristo yaab nin bipiib bà ya ciεb n̄a yé Kristo yaab bεn wɔn, bi'tetem nε li cère binitɔb n̄ bende mitekjim yé nibonn nà. Mi ya tetem nε wɔngh bà n̄a yé Kristo yaab ki teh Kristo yaab n̄a n̄mɔbe biil.

Ifuonde

¹ Min Pier, n yé *Yesu Kristo ya tond nε. N kieh kugbɔnku kuu n̄ de ninbi bà Uwien gènde' nε ni yere' ki te Pɔnt nin Galasi nin Kapadosi nin Asi nin Bitini ya tinfenm ni, ki yé bicεnb ni'bó nnɔ nε. ² Baa Uwien là bobn' ki gènde' nε haali uyoyo ní li yé u'yaab *Mifuoñaanm bo, kí li boh *Yesu Kristo n̄ u'sèm n̄ sɔkre kí lùore nε nε. Uwien n̄ juoke nε kí gbien, kí de nε uyenduɔn mɔ́ kí gbien.

Uwien muo' te micεckm ki ηmien' te

³ Tí pèke μεν Uwien ti'Yonbdaan *Yesu Kristo ya Baa. U'nimōncient bo ne u cère' ti maa' ki lere' kí ñε *Yesu Kristo ya mekrm bitenkpiib ni bo, ηο tí li ηmabe lidendēnl là ηa ηmabe juorm, ⁴ kí le lifaal là mōn, ka rí saa, jōknt mō ηa rí kō lè. U bonde' lifaal nnō ki ble' ne paaki bó ne. ⁵ Ne kí ñε mitekjim bo Uwien gu ne nin u'tuom, ki gu ufōforyo, uyo wà u li wuon upaan bo kí ye ni ηmere'.

⁶ Nen bo ne ni poknh. Ní yé mibiikm ke ya bol saah ni'yēnm fenfennō mōnōn la, mibiikm nnō ηa rí wuōke. ⁷ Men ne wōngēh ki teh ni ηmabe mitekjim mōnmōnm bii na ηmabe. Miñōkm yé nibonn nà ηa rí li tuu ki te ne. Ama bi dondeh mè ne kí bende mī mōn bii ma mōn-i. Ní'tekjim nnō cen' miñōkm. Ní'tekjim nnō bo ne, lidaali là *Yesu Kristo li ñēn u'ba upaan bo nnō, ni li ηmabe kupenpeku nin ukpīeke nin lisel. ⁸ Wōn wà na laa' wō, ki yīe wō, ki teke' wō ki jin' ka laan lī biε ki laa' wō. Nen bo ne ni te uyensōngciēn wà ta ben ti li taa iñōbon yà kí tōke u'gber nnō ni ki poknh. ⁹ Nnō ne ni laa' nà bo ni teke' *Yesu ki jin'. Nen si: ni'ηmiēnm.

¹⁰ *Uwien ya ñōbonsōknb là tùōre' ki fiin' miηmiēnm bugben ya gber, ne ki sōkn' ne Uwien bonde' wō rí de ne bupaabu bùa nnō ya gber. ¹¹ Bi là fiin' be rí bende Kristo ya Fuoñaanm te bi'ni ki tōke' be nà ke nnō li tien uyo wà nin nī li tien ma bo ne. Mī là juo' ki tōke' be Kristo lá li ji ijend yà nin ni ya puoli bó u li le ukpīeke wà nnō ya gber ne. ¹² Uwien là kpiire' ki tōke' biñōbonsōknb nnō ki ye tigber nnō ηa yé ben nin bi'yul yaar, tù yé bi sōkndeh tù ninbi bà nnō yaar ne. Fenfennō bà tōkeh tigbemōnmōnt nnō ne tōke' ne tigber nnō kí ñε *Mifuoñaanm ya

tuom bo. Uwien ne cère' *Mifuoñaanm nno ñen' paaki bó ki jiiire' ní. U'tondb mənən ya nun món be ní bende tigber nno ya tingi ne.

Li ηmabe men mitetemənmənm

¹³ Nen bo, bonde men kí li gu, kí li co ni'ba, kí li ηmabe lidəndənl kí tī gben kí ye ni li le bupaabu lidaali là *Yesu Kristo li ñen u'ba upaan bo nno. ¹⁴ Ni yé binib bà boh Uwien ma nno, jī rí dāan men na laan là ben Wien ηo ki teh tibont tà ni'yenm yíe ma bo nno. ¹⁵ Ama ni la li ηmabe jəkt ni'tetem ke ni kime Uwien wà yin' ne nno ηa ηmabe jəkt, ¹⁶ kime ní kele' *Uwien ya gbənkú ni ki ye: «Li yé men biñaanb, kime u yé uñaan ne.»

¹⁷ Ni'kaare ni, ni yih Uwien wà ηa gəndeh, ki bñh unil ke u'tuon kpe ma bo ni'Baa ma nno, li ηmabe men mitetem mà wəngəh ki teh ni boh Uwien uyo wà ni laan te kitink kie bo nno. ¹⁸ Ní li ben kí ye Uwien ηa taa' tibont tà ηa li tuu ki te ten ilike ya kur bii miñəkm ne ki de' ne ki wíe', ki ñen' ne ni là guəre' ni'yaajəb ya fuobm mà, ma ηmabe mī kunh ná bó nno ni. ¹⁹ Ama u taa' Kristo ya səm mà mən ki cən' nibonn ke ten kipebuk kà ya niba saan ηa gbè, ka ηmabe jəkt ne ki de' ne ki wíe'. ²⁰ Uwien là gənde' wə ki laa' wà laan ñen' uηəndun, ne ki cère' ninbi bo, u taa' u'ba ki wuən' idənfərke yíe nno. ²¹ Wən bo ne ni teke' Uwien wà məkre' wə bitenkpiib ni, ki kpiəke' wə nno ki jin'. Nen bo ne ni teke' Uwien ki jin', ki ηmabe u'bo lidəndənl.

²² Ni pe tigbemənt bo ma nno ne cère' na ηmabe jəkt. Nen bo, ní li yíe təb imənmən ten ninjəb yíe təb ma bo. Tùəre men kí li yíe təb nin ní'fèl ke.

²³ Uwien ya gber ne cère' ni maa' ki lere'. Tigber

nnə ɲa te tɛn nibonn nə li saa, tù tuu ki te nɛ ki dienh limiel. ²⁴ Nɪ kele' *Uwien ya gbɔnku ni ki ye: «Nisaal ke nisaal te tɛn timuɔr nɛ, nɛ nə ke yé u'bo ukpiɛke nnə te tɛn mimɔpuum.

Timuɔr kuoreh nɛ tu'puum sokreh.

²⁵ Ama Yonbdaan ya gbɛr tun tuu ki te uyo ke nɛ. Tigbɛr nnə tun si: bi tɔke' nɛ tigbɛmɔnmɔnt tà nnə.»

2

¹ Nɛn bo, dɔan mɛn mibiɛrm ke ya bol nin milɛrkjim ke ya bol, ki la ɲmɔbe ɲuɔn ilele, ki la ɲmɔbe nunfɔke, ki la lienh ki saah tɔb. ² Li febnh mɛn Uwien ya gbɛr bo tɛn kicɛnfendk febnh ma libiil bo. Uwien ya gbɛr te tɛn mibiim mà mɔn nɛ, kí li cère ní kpére kí lɛ limiel Uwien saan, ³ kimɛ ni laa' Yonbdaan ɲmɔbe tinimɔnt ma bo.

Kristo te tɛn litɛnl nɛ ki co Uwien ya duku

⁴ Nɛkn mɛn Yonbdaan saan. U te tɛn litɛnl là fuobe nɛ. Binib wiɛ' lɛ, nɛ Uwien gɛnde' lɛ, li yé u'bo nibonmɔnn. ⁵ Nɪ'mɔ te tɛn itɛn yà fuobe nɛ. Nɛn bo, cère mɛn Uwien ní taa nɛ kí mɛ *Mifuoɲaanm ya duku. Nɪ li yé licɛkl là Uwien gɛnde' lɛ ki tien' bitɔtuɔrkaab, kí li teh ituɔrɛ ki dienh wɔ tɛn *Mifuoɲaanm ye ma bo, nɛ *Yesu Kristo bo, u li tuo ituɔrɛ nnə. ⁶ Kimɛ nɪ kele' *Uwien ya gbɔnku ni ki ye:

«Liike mɛn, n gɛnde' litɛnl là yé n'bo nibonmɔnn, ki tien' litɛnl là co kuduku, ki ble' Siyɔn ya du ni, wà ke du li'bo la, fɛ ɲa ní ji wɔ.»

⁷ Ninbi bà teke' ki jin' nnə,

litenl nnə yé ni'bo nibonmànn nε.
 Ama bà ɲa teke' ki jin' nnə bo nε nĩ kele' ki ye:
 «Liténl là bidumɛb wiε' lè nnə,
 len lá tien' litenkpiεkl là co kuduku,
 8 ki yé liténl là binib li lεkeh li'bo,
 ki yé liténl là li gbàbreh binib mə.»
 Bi li lεkeh li'bo, kimε ba tuo' Uwien ya gbεr,
 nε Uwien sien' bε nnə.
 9 Ama ninbi yé libol là Uwien gènde' lè nε,
 ki yé wən ubercien ya təturkaab,
 ki yé linibol là te ki de' wən baba,
 ki yé u'nib.
 U gènde' nε, ní li kpaandeh u sən' itùoncien yà nnə
 nε.
 Wən nε ɲen' nε licinɲunl ni,
 ki kuən' nε u'wenwenku kùà ɲmàbe kuɲurku nnə
 ni.
 10 Uyo uba na là yé Uwien ya nib,
 ama fεnfennə ni ji yé u'yaab nε,
 na là yé u muə' binib bà micεcεkm nnə,
 ama fεnfennə ni ji yé u muə' binib bà micεcεkm nε.

*Li ɲmàbe mɛn mitetem mà wəngɛh ki teh ni yé
 Uwien ya nib*

11 N'jətiebε, ni yé bicεnb nε kitink kiε bo ki
 gèbreh. Nɛn bo nε n sureh nε ní li coh ni'ba
 unisaal ya yεnm pε tibont tà bo, tù piendeh wə
 u la tien' Uwien yíe nà nnə bo. 12 Ní li ɲmàbe
 mitetemənmənm bà ɲa pε Wien bo ya nun bó, ɲə nĩ
 yé bi lienh ki saah nε isen iba ni ki teh ni teh nà bre
 mənən la, bε ní lε ni'tùonmənəmən kí pèke Uwien u
 li baa lidaali là.

13 Yonbdaan bo, ní li blinh ni'yul udu ya cienb kε
 cienb ya nun bó. Bɛn si: ubercien, wən nε ɲmàbe

ticiënt u'du ya nib κε bo, ¹⁴ nin u kàan' binib bà idu ni be ní li likeh yí, kí li dieh bà teh ibiere ya tub, kí li pèkeh bà teh nà mən nnə.

¹⁵ Uwien yíe nà si: ní li teh nà mən, ηə nen bo, bà yé ijər, ka ben niba nnə la fre kí yàare ñəbu. ¹⁶ Li yé mən binib bà si bi'ba. Ni la dule nen bo kí li teh nà bre. Ama ní li fuobe ñi kpe Uwien ya tonsənb ní li fuobe ma bo. ¹⁷ Li dienh mən unil κε lisel, kí li yíe ni'təb bà teke' Kristo ki jin', kí li boh Uwien, kí li dienh ubercien lisel.

Tekn mən Yesu Kristo ya taal ni

¹⁸ Bitonsənbε, ní li blinh ni'yul ni'cənbaambe ya nun bó, kí tūəre kí li fenge be. Na yé ní li teh nnə cənbaambe bà yé binimənb, ki dinge baba ne, ní li teh nnə bà mə ya gber faa. ¹⁹ Kimε unil ηa bii' niba ηə bi jəndeh wə, u jin' kuminku Uwien bo, ki tuo' ijend nnə la, ñi yé nibonn nà mən ne. ²⁰ Ni tien' nà bre ηə bi jəndeh ne, ni tuo' ijend nnə la, ni ηməbe ku le penpekku-u? Ama ni tien' nà mən ηə bi jəndeh ne ni mīnde' ki tuo' ijend nnə la, nen ne yé nà mən Uwien ya nun bó, ²¹ kimε Uwien yin' ne ní sən nà nínə. Kristo mə jənde' ni'bo nnə ne. U tien' nnə ηə ni'mə ní tekn u'taal ni ne. ²² Wən ηa tien' biere, tonnənkū mə ηa ñen' u'ñəbu ni fiebu. ²³ Bi suke' wə, wa jīin', ki jənde' wə, wa taa' jεr, ama u taa' u'ba ki ηukn' wə buh tibuur tu'donbó ya nuə ni ne. ²⁴ Wən bugben ne taa' u'tiema gbenent ki teke' ti'biere udəpənpən bo, ηə ibiere ji la ηməbe ti'bo tuəm, ηə tí le mifuobm mà cuube. U ya jend ya gbien ne cère' ni laa' laanfε.

²⁵ Iməñ, ni là te ten ipe yà cuon' ki yebre' ne, ama fənfenə ni liebe' ní wə kpaah ne, ki gu ne nnə saan.

3

Bijeb nin bi'puob li fuobe ma bo bi'dencen ni

¹ Bipiibe, ni'mo ní li blinh ni'yul ni'cieb ya nun bó, ɲo bi'ni biba ɲa teke' Uwien ya gber ki jin' mɔnɔn la, kí ñe bi'puob ya tetem bo, be ní teke tù kí ji, kí le ba tɔke' be gber, ² kimε bi li le ni'tetem wien ma bo, ki ɲmɔbe mibom. ³ Ni la tuuke gbenent ya mɔnbe bo, ki findeh tiyur ki gbiekeh, ki fɛndeh ni'ba nin miñàkm ya jefɛnbont, ki guoh tikpelcɛr tà ɲmɔbe kuñuorku. ⁴ Ama cère men ni'mɔnbe ní li te ni'fèl bo, ní li ɲmɔbe liyenguol, kí li te suoo. Nen ne yé umɔnbe wà ɲa ní winde, ki mɔn Uwien ya nun bó cɛen. ⁵ Nno ne uyo bo ya piib bà là yé Uwien ya nib, ki du u'bo nno, là ɲmɔbe u ya mɔnbe ne, kimε bi là blinh bi'yul bi'cieb ya nun bó ne ⁶ ten Sara. Sara là boh *Abraham ne, ki yih wɔ u'cenbaa. Ni teh nà mɔn ka cèreh niba coh ne jɛwaanbu la, ni yé wɔn Sara ya bumu ne.

⁷ Piiciebe, ni'mo ní li fuobe nin ni'puob nin miyɛnfuom, kí li ben ki ye ba ɲmɔbe tuɔm. Li selndeh be men, kimε ninbi nin ben ke li taan' kí le Uwien ya paabu ne. Bun si: limiel là ɲa ɲmɔbe gbenm. Ni teh nno la, niba ɲa ní pien ni'kaare.

Li teh men nà mɔn

⁸ N li len nà kí fɔre si: ni'ke ní li ɲmɔbe iyɛnmaalbaabe, kí li muɔh tɔb micεcεkm, kí li yíe tɔb ten ninjiɛb yíe tɔb ma bo, kí li ɲmɔbe tinimɔnt tɔb bo, kí li jündeh ni'ba tingi. ⁹ Ni la tien bierm kí tu wà tien' ne mibierm lifènl, kí la suke kí jiin wà suke' ne. Ni li teh nà si: ní li miɛh Uwien ya mɔnm ki dienh udaan, kimε Uwien yin' ne ní li teh nen ne, ɲo ninbi nin ni'yul ní le Uwien ya mɔnm.

10 Kimε nĩ kεle' *Uwien ya gbɔnku ni ki ye:
«Wà yíe wɔ́ rí li fuobe kí li te liwiel ni idaan kε la,
wɔ́ rí li coh u'lenl,
ki la cère tonnɛnku rí li ñɛh u'ñɔbu ni,

11 kí dāan nà bre,
kí li teh nà mɔn,
kí li nuunh uñɔkpaan nin inunmɔn.

12 Kimε Yonbdaan ya nun cε bigbɛmɔndɛnb bo,
nε u gbè itub ki cengeh bi'kaare bó.

Ama bà teh nà bre nnɔ wɔn,
u bulnh bɛn ibuɔn nε.»

13 Nĩ'nun mɔn ní li teh nà mɔn la, ηmε li tien
nε nà bre? 14 Nĩ tĩ baa' bε rí jènde nε, ni teh nà
mɔn ma nnɔ bo mɔnɔn la, li te mɛn uyɛnsɔnge
ni. La fenge mɛn nib, ki la cère ni'yɛnm rí saa.

15 Ama li dienh mɛn Kristo lisel ni'fɛl ni, kime wɔn
nε yé Yonbdaan. Li bondeh mɛn ni'ba uyo kε unil
niire' nε ni'dɛndɛnl ya tingi la, ní fre kí jiin udaan.

16 Ama ní li jiindeh nin liyɛnguol nin mibom. Li
ηmɔbe mɛn iyɛnmaalmɔnmɔn, ηɔ bà lienh ki saah
nε isɛn iba ni, kí ñε ni yé Kristo yaab, ki ηmɔbe
mitetemɔnmɔnm mà nnɔ bo nnɔ rí ji ifɛ.

17 Nĩ yé Uwien ya yíem bo nε ni jinh ijɛnd, kime
ni teh nà mɔn nε la, nĩ mɔn ki cɛn' nin ní li teh nà
bre ki jinh ijɛnd.

Kristo faake' nin mikuum

18 Kristo nin u'yul kpo' bolm miba kpein nε binib
ya biere bo. Wɔn wà ηa tien' nà bre nnɔ tuo' ki
teke' bà teh nà bre ya kuum ki kpo' ηɔ wɔ́ rí taa
nε kí baa Uwien saan. Bi ku' u'nisaalgbɛnɛnt ama
*Mifuoñaanm cère' u mɛkre' ki fuobe.

19 Mĩ cère' u jon' ki tĩ tɔke' bitɛnkpiib bà lùo ki
te lipɛkl ni nnɔ mɔnɔn tigbɛmɔnmɔnt. 20 Bɛn si:

binib bà là yïe' Uwien ya ñabu bó uyo bo nnò, uyo wà Uwien là duòn' u'yenm ki cèrè' nï wuòke' nnò nε. U là duòn' u'yenm uyo wà Nowe là te ki teh buñercienbu nnò nε. Binikàankaab nε là kòn' buñerbu nnò ki ηmèrè' kí ñε miñunm bo. Bi'kε là te biniin nε.

²¹ Miñunm nnò yé uñunsii wà ηmiendeh nε fεnfennò wuò nò ya nennεnku nε. Na yé ñunsii wà ñendeh tigbenεnt ya jòknt, nï yé unil rí taa u'ba kí de Uwien nin iyenmaalmənmənn nε. U ya ñunsii nε ηmiendeh kí ñε Yesu Kristo ya mεkrm bitenkpiib ni bo. ²² U don' kutaaku bo ki tì kèlè' Uwien ya nójie bó ki ηmòbe mituəm Uwien ya tondb nin nà kε ηmòbe ti'ciennt nin mituəm kε ya bol nnò bo.

4

Ijend yà li tu Kristo yaab

¹ Tò, Kristo là tuo' ki jin' ijend u'gben ni. Nεn bo, ni'mò rí li ηmòbe lifèl ki tuo' kí ji ijend tən wən, kime wà tuo' ki jin' ijend u'gben ni la, wən nin ibiere gbiire' nε, ² ηò uyo wà sïen' wò rí li fuobe uñendun wuu ni nnò, wò rí li teh Uwien yíe nà, kí dàan unisaal fε nà. ³ Uyo uba, ni là teh bà ηa pε Wien bo yíe nà, nε nï tì wuòke'. Ni là teh lisənsəndl nε, ki teh unisaal fε tibont tà, ki ñuh ki yibeh, ki jinh unifenjin, ki taakeh ki kaah, ki jinh ki ñuh ki yibeh, ki pε ibule bo. Ibule bo ya paanm yé ijuòke ya bonn nε Uwien ya nun bó. ⁴ Fεnfennò, bi laa' na ji tuuke bi'sənsəndkəndkaal nnò bo ma nnò, nε nï jin' bε, bi ji sukreh nε. ⁵ Ama bi li tòke wà bonde' wò rí bu binifuob nin bitenkpiib kε tibuur nnò, bi sən' nà kε. ⁶ Nεn bo nε bi tòke' bitenkpiib mənən tigbəmənmənt. Bi là kpo' binib kε kpuokeh ma bo

ne. Bi take' be tigemənmənt nno ɲə Mifuoñaanm bo be ní li fuobe ten Uwien ne.

Kristo yaab li fuobe ma nin bi'təb

⁷ Tibont ke ya gbenm nek'n ní ɲə! Nen bo, li ɲməbe men miyɛnfuom, kí li coh ni'ba ɲə kí li freh ki kàareh. ⁸ Ni li kpiɛ kí li teh nà si: li yé men təb nin ni'fèl ke, kime miyíem cèreh binib fèreh təb ibiere yà yebe ne.

⁹ Li teknh men təb kucɛnku ki la ɲulnh. ¹⁰ Uwien de' unil ke bupaabu jɛjɛ ne. Wà ke ní li yé utonsənmənmənwà taah u laa' bupaabu búa nno ki toreh bitəb. ¹¹ Wà ke ye wə ní len la, wə ní len Uwien ya gber. Wà toreh binib la, wə ní li toreh nin Uwien de' wə mituəm mà nno. Nen ne li cère *Yesu Kristo bo be ní pèke Uwien isen ke ni. Wə n ne si ukpiɛke nin mituəm uyo ke. Ami.

Bà jèndeh Kristo bo nno, Uwien ya mən m te bi'bo

¹² N'jətieɛ, la cère men ni te ijendciɛn yà ni í sienh ten umu nno ní cuo ne yəkm. I tu' ne ɲə nè ní wuən kí ye ni ɲməbe mitekjim mən m bii na ɲməbe ne? Nen bo, ni la li maaleh ki teh ní yé nibonlurkaann ne. ¹³ Ama li poknh men, kime ninbi nin Kristo ne taan' ki jèndeh, ɲə lidaali là u li ñen u'kpiɛke upaan bo nno ní li te uyensəngciɛn ni ki poknh. ¹⁴ Bi sukreh ne, kime ni yé Kristo yaab la, Uwien ya mən m te ni'bo, kime *Uwien ya Fuoñaanm mà ɲməbe ukpiɛke nno te ni'bo. ¹⁵ Ni'ni uba là cère be ní li jèndeh wə kí ye u ku' unil, bii u sun', bii u tien' niba ní bre, bii u kən' uba ya gber ni. ¹⁶ Ama u yé Kristo yə ma nno ne bi jèndeh wə la, u la cère' fɛ ní cuo wə, wə ní li kpiɛkreh Uwien bi yih wə Kristo yə ma nno bo. ¹⁷ Tibuur ya yo baa' ɲə,

nε Uwien li kpie kí bu u'yaab nε. Tɔ, nĩ yé u cin' nin tinbi bà yé u'yaab la, bà yie' ka teke' u'gbemɔnmɔnt nnɔ yaam li tí fɔre mila bo?

¹⁸ Nĩ yé:

«Ugbemɔndaan ya ηmεrm li faake la, nĩ ji li te mila wà ηa kpe Wien ya sεn, ki yé ubierdaan bo?»

¹⁹ Nεn bo, bi jɛndeh bà Uwien ya yiem bo nnɔ, bε rí li tuu ki teh ná mɔn, kí taa bi'ba kí ηukn wɔn wà ñεn' tibont kε, kí yé umεmɔndaan nnɔ ya nuɔ ni.

5

Kristo yaab ya ciεnb li teh ma bo

¹ Fεnfεnnɔ, n sureh bà yé Kristo yaab ya ciεnb ni'ni nnɔ nε. Min mɔnɔn yé Kristo yaab ya ciεn nε tɛn bεn, ki yé umɔnkunl Kristo jin' ijend yà kε nnɔ bo, ki li lε Kristo li ñεn u'kpieke wà upaan bo nnɔ. N sureh bεn nε ki teh: ² «Li kpaah mεn Uwien ηukn' nε binib bà nnɔ, kí li likeh bε, ki la cère nεn li te tɛn nĩ yé liwɔbl nε ni'bo, ama nè rí li yé ni'yεnm ni, tɛn Uwien yie ma bo. Ni la sɔnh ki nuunh like, ama cère mεn ni'yεnm rí li pε lituonl nnɔ bo. ³ Uwien nε taa' bε ki ηukn' ni'nuɔ ni. Ni la ηuuke bε tɛn ni yé bi'yonbdεnb nε, ama ní cère ni'tetem rí li wɔngɛh bε, bi li teh ma bo.» ⁴ Nnɔ nε Kristo wà yé bà kpaah u'nib ya ciεn nnɔ li ñεn u'ba upaan bo uyo wà nnɔ, ni li lε lisuul là ηmɔbe kuñuɔrku kùa ηa rí gben nnɔ.

Kristo yaab kε li teh ma bo

⁵ Ninbi bifɛnbε ni'mɔ rí li blinh ni'yul biciεnb ya nun bó.

Kristo yɔ kε Kristo yɔ rí li jiindeh u'ba tingi bitɔb ya nun bó, kime nĩ kele' *Uwien ya gbɔnku ni ki ye:

«Uwien nen bà ηmabe tigbengt,
ama u teh bà jindeh bi'ba tingi tinimànt.»

⁶ Nen bo, li jindeh men ni'ba tingi Uwien, mituam ke ya daan, ya nun bó ηo wə́ ní kpieke ne u sien' uyo wà wə́ ní kpieke ne nnə́. ⁷ Li taah men nà ke cieke ne ki ηukndeh wə́, kime wə́n ne likeh ne.

⁸ Li coh men ni'ba, ki la gə́h, kime ni'nennend usenpol te ten uyebə́l ne, ki gbokeh ki lindeh ni'ke saan ki nuunh unil wə́ ní cuo. ⁹ La cèbe wə́ men ni'ba, tùre men kí li du Uwien bo, kí li ben kí ye ni'yaab Kristo yaab bà ke mə́ te uηendun wuu ni nnə́ mə́ jèndeh ten ninbi ne. ¹⁰ Ni li jènde, ama na ní wuəke kí gbien. Ni yé Kristo yaab ma nnə́ ne Uwien, tinimànt ke ya daan, yin' ne ní le u'kpieke wà ηa ηmabe gbenm. Wə́n nin u'yul ne li mənge ne kí tí gben, kí de ne mituam, kí cère ni'tekjim ní faake, kí cère niba la fre kí jènge ne u'sen ni. ¹¹ Uwien ne si mituam uyo wà ηa ηmabe gbenm. Ami.

Micèbm

¹² Ti'ninjε Silfen* wà n du u'bo nnə́ ne tore' nni n kele' inə́bonkàanke yiε ní sure ne, kí təke ne kí ye Uwien ya paabu yé imə́n ne. Tùre men kí li ηuuke bù.

¹³ Ni'təb bà Uwien gènde' bε, bi te Babilonn ni nnə́ fuondeh ne. N'buk Mark mə́ fuondeh ne. ¹⁴ Ní fuonde təb mənəmənəm ten ninjεb nin ninsieb fuondeh təb ma bo.

Uwien ní de ninbi Kristo yaab ke uyenduə́n.

* **5:12** Liike Itùon 15:22, 40.

Uwien ya Jɔtiefɛnku ya gbɔnku
The New Testament in the Ngangam language of Togo
copyright © 2011 Wycliffe Bible Translators, Inc.

Language: Ngangam

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ngangam

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
f30fbe0b-cda1-5a60-a4ee-8be80c6caef6